

# 佛光大藏經

淨土藏 · 注疏部

藥師經直解  
外二部



佛光山宗務委員會印行

# 佛光大藏經

## 淨土藏

・注疏部

藥師經直解  
外二部

佛光山宗務委員會印行

# 佛光大藏經

淨土藏・注疏部

藥師經直解  
外部

☐監

修 ☐ 星雲大師

☐主

編 ☐ 佛光大藏經編修委員會

☐委

員 ☐ 慈莊・慈惠・慈容・慈怡・慈嘉  
依空・依淳・達和・永明・永進

一九九九年五月初版

有版權・請勿翻印

☐發行

者 ☐ 佛光山宗務委員會

☐發行人

☐ 慈惠（張優理）

☐出版者

☐ 佛光出版社

高雄縣大樹鄉佛光山

☎（〇七）六五六四〇三八～九

☐流通處

☐ 佛光山寺

高雄縣大樹鄉佛光山

☎（〇七）六五六一九二一～八

佛光書局

高雄市前金區賢中街二十七號

☎（〇七）二七二八六四九

臺北市忠孝西路一段七十二號九樓之十四

☎（〇二）二三一四四六五九

臺北市汀州路三段一八八號二樓

☎（〇二）二三六五一八二六

☐裝訂者

☐ 精益裝訂股份有限公司

☐法律顧問

☐ 蘇盈貴律師

☐郵政劃撥第〇〇四五六三五一五號

☐行政院新聞局出版事業登記證局版台業字第一五二四號

☐如有缺頁或裝訂錯誤，請寄回本社更換

## 《佛光大藏經》編修緣起

夫佛法者，自內容教義觀之，固有其根本上不變之價值；然若於研究信解論之，則應有契合時代之方法與權巧，方能古今融會貫通也。

基於此一原因，吾人期盼此願望之實現，故於民國五十六年（一九六七年）佛光山開山以來，即未嘗一日稍怠，朝此目標邁進。其中《佛光大藏經》之編印付梓，乃在此機緣下誕生於世矣。

我如來一代時教，自漢時東來中土，歷朝大德，譯著典籍，代有所出。宋元明清各版藏經之蒐集編印，既保存聖言經教，亦提供為學者研究與發揚之據也。然各版所刊，未將三藏分段標點，致令今人望經興嘆，既感佛典深奧，非初學之所能解，且編排古板，雖信學有心，奈苦鑽而莫能入。佛光山諸有志者，有鑒於此，乃於民國六十六年（一九七七年）成立「佛光大藏經編修委員會」，以星雲主其事，集學者數十人，經年累月，採各版藏經，冀望作文字之校

勘、全經之考訂，以及經文之分段、逐句之標點，甚而名相之釋義、經題之解說，並有經後之索引、諸家之專文，吾人本懷，乃期編纂一部現代人人能讀，讀而易解，解而能信，信而易行之佛教聖典，唯其如此，方能助長佛法之延續與流傳也。

《佛光大藏經》之編纂新修，擬分以下類別：

- |          |          |          |          |
|----------|----------|----------|----------|
| (1) 阿含藏  | (2) 般若藏  | (3) 禪藏   | (4) 淨土藏  |
| (5) 法華藏  | (6) 華嚴藏  | (7) 唯識藏  | (8) 秘密藏  |
| (9) 聲聞藏  | (10) 律藏  | (11) 本緣藏 | (12) 史傳藏 |
| (13) 圖像藏 | (14) 儀誌藏 | (15) 藝文藏 | (16) 雜藏  |

自清代集《龍藏》三百餘年來，今有此修藏之舉，星雲等不自量力，為我中華文化，續佛慧命，點無盡之燈，開般若之華，讓佛光普照寰宇，使法水長流九州。今以愚誠，祈各方大德襄之、教之！不勝馨香企盼之至！

佛曆二五二七年（一九八三年）八月 星雲序於佛光山

## 凡 例

- 一·《淨土藏》係參考各版藏經及近代著述，收錄有關阿閼淨土、彌陀淨土、彌勒淨土、藥師淨土、文殊淨土、維摩淨土以及淨土宗之諸經論等，分為「經部」、「注疏部」、「著述部」、「纂集部」，加以標點斷句，並重新編排。
- 二·本會重新編整之《藥師琉璃光如來本願功德經直解》，係以明版《嘉興大藏經》為底本，再對勘《龍藏》，異同並比，互補遺闕。
- 三·本書所據以為底本之《嘉興大藏經》，其字體原係古刻版字，為配合現代電腦排版之印刷字體，在不害字義之原則下，直接將文中若干字改為現代通行字，而不加校勘說明。
- 四·本書之整編採取新式標點與分段，將全書之文義標示清晰。文中所用之符號計有：「，、；。·：！？」「『』」「《》」「〈〉」等十二種。
- 五·注解中所提及之「嘉興本」係指明版《嘉興大藏經》，「清藏本」指清版《乾隆大藏經》。

六·書中特殊之佛學術語、艱澀詞句等，均根據各類辭書加以注解。

七·本書之校勘、注解以卷為單位。文中注解號碼列於所注（或校勘）名詞或字之下。同一校勘字，若於同一卷出現多處者，則僅在初次出現時作注解，並於其注解之上冠一「\*」記號，其餘各字不再累篇贅注，僅於該字右上角標上「\*」，表示同前。

八·本書採用雙頁注，凡有校勘、注解，在同一面就可以找到。

九·本藏附有全部《淨土藏》之索引一冊，其內容收錄人名、地名、經名、物名、術語、法數等等。

# 目錄

|                      |     |
|----------------------|-----|
| 一・星雲大師序              | 一   |
| 二・凡例                 | 一   |
| 三・維摩詰所說不可思議解脫經釋會紀聞題解 | 一   |
| 維摩詰所說不可思議解脫經釋會紀聞（二卷） | 三   |
| 民國・太虛述               | 三   |
| 卷上                   | 三   |
| 卷下                   | 一八九 |
| 四・藥師琉璃光如來本願功德經直解題解   | 二七一 |
| 藥師琉璃光如來本願功德經直解（一卷）   | 二七三 |
| 清・靈耀撰                | 二七三 |

|                         |     |
|-------------------------|-----|
| 五・藥師琉璃光如來本願功德經講記題解…………… | 三三九 |
| 藥師琉璃光如來本願功德經講記（一卷）…………… | 三四一 |
| 民國・太虛述……………             | 三四一 |

# 維摩詰所說不可思議解脫經釋會紀聞題解

## 一、名稱

《維摩詰所說不可思議解脫經釋會紀聞》，乃《維摩詰所說不可思議解脫經》之注釋書。太虛大師於講述《維摩詰經》時，手編講義，定名《維摩詰所說不可思議解脫經釋》；時黃崗王黻彝、湘潭黎錦熙聽次紀述口義，名《維摩詰經紀聞》；後合編爲一部，因改名爲「經釋會紀聞」。

## 二、作者

太虛大師，其傳記詳見《往生淨土論講要》題解。

## 三、內容

《維摩詰所說不可思議解脫經釋會紀聞》，凡二卷。乃太虛大師於民國八年（西元一九一九年）九月在北京講經會演述。今收錄於《太虛大師全書》第二十二、二十三冊。全經分爲「懸論」、「釋經」、「貫攝」三大部分而闡釋之。其中，「懸論」說明佛說此經來意及解釋題目；「釋經」，以經序分、經宗分、經益分三科詳釋此經意旨；「貫攝」則更以經、時、處、會、藏、教、乘等七分別條貫全經義例。

## 維摩詰所說不可思議解脫經釋會紀聞上

民國·太虛

紀 歸命三界尊，廣開微密藏，如說修行衆，惟願齊加被！

祐我紀斯聞，清淨離倒妄，見聞隨喜者，悉發菩提心。

盡此形與壽，咸生安樂國。普及情無情，同圓成實性。

吾人無論受持讀誦何經，須先解佛經通義。凡稱經者，皆爲佛所說、所印可之法（如本經係經佛所印可者，故亦名經）。佛爲法王，心亦爲法王：佛明證自心，故成就真淨；衆生迷昧自心，故流轉生死。然則吾人發心學佛，首當發明自心。欲讀誦佛經，尤當先決定自心。自心維何？人人本有之寂常靈覺是也；亦曰佛性，亦號真心。此真心本然清淨，在聖不增，在凡不缺，其大無外，其小無內，豎窮三際，橫遍十方，無時不在，無物不然者也。無如衆生無始來爲無明習氣所染，六塵緣影萬念紛馳，便不識此法中王矣。今以勝緣，得與大衆聚會一堂，開演此《維摩詰所說不可思議解脫經》，故亦於未講之前，願人人審觀自心，先發四種決定之心。云何爲四？一、真

實心：眞者，無僞義，實者，不虛義；無僞，非矯揉造作，不虛，非生滅去來，合之即是直心。經云「直心是道場」，即是此意。二、向上心：人雖具有直心而不向上，借以爲惡，反沾直名，世所恆有。今當本此直心，正念眞如，專以修積諸佛阿耨多羅三藐三菩提法。三、慈悲心：世間亦有自了漢，只求自己解脫生死之累、煩惱之苦，不顧他人。於財、於法皆慳吝不捨，視彼貧窮、下賤、無威力之人，漠不相關，翻笑自作自受，似此亦非佛道。今則我輩發心自利，還須利他，時行布施，不住於相。四、方便心：惟此心最難，難在方便，以隨方（通時與事）便利於人，即隨處未必便利於己也。發此心時，便當滅除人、我二相，見得利人還是利己，我原與人同一法性故。如一世界之所有衆生，與我一身之五官、百骸痛癢同具，未忍捨離，須盡力救治。諸君四心具備，自能受持、讀誦此《維摩詰所說不可思議解脫經》，并能受持、讀誦佛說一切之經。

## 懸論

## 一、說經來意

**釋** 今講此經，且將釋尊與淨名大士等所以說此經之用意，先爲一論。案諸家講經者，在講經文以前，皆有一番提綱振領之說，用以貫攝全經，評判群說。在天台宗謂之五重玄義，如所謂：名、體、宗、用、教是也。嘉祥亦名玄義，其詳未究。在清涼宗先開十門，謂之懸談，第九總釋名題，第十別解文義，上之八門則皆文前總論。然《圓覺疏鈔》、《彌陀疏鈔》等皆取則《華嚴懸談》者，顧前之八門往往有開合增減之殊，雖意義全同，文或微異焉，要以《華嚴懸談》所開十門爲正，今不事詳論也。眞言宗之分十住心，則傳以黜陟諸宗者，餘未全睹，不能猝斷。在慈恩宗則依《成唯識論述記》，分爲五門：一、辨時機；二、論宗體；三、藏乘所說；四、說教年主；五、判釋本文也。雖建言互殊而大致還相通貫，廣爲評鷺，讓之異時。今意以爲既未將所講之經文講明，先說體、宗、用、教多言，在說者縱言言不離經旨，並非隨意牽混塗傳，但聽者或不免爲之茫無端緒，故茲一概無取。然古德若智者大師所以在文句前廣談玄義者，蓋大有故。

一、彼時佛法興盛，經內文義靡不了了，轉因講者各成宗尚，非但欲明經義，尤欲知講者對於此經意旨之所在，故當先有以貫攝全經也。二、彼時聽者，不唯了於經義，且多有嘗專精於其經者，先有對於此經主觀上之宗旨，將以校其異同而爲決擇。非然者，彼將謂講者不明宗旨，捨之不聽，故當先有以評判群說也。三、如來說法，有隨自意語者，有隨他意語者，古人先出玄義，廣作懸談，將以楷定千古，非必問一時聽者之能受與否；但欲將所得於經之義旨，盡量發揮，令聽者自表同情耳。後人講經，既無如上所說緣故，必依照古人之陳說翻誦一過，殆亦靈峰所謂「執死方醫變症」者歟！故今所有宗體、教相、功用等義，可隨文點出之，或結顯經終耳。唯佛菩薩所以說此經之來意，則當先一探索，此在《華嚴懸談》即所謂「教起因緣」也。

**紀** 明佛說此經來意，引天台宗（又名法華宗）名、體、宗、用、教五重玄義。

名，爲名言，名立義彰。體，爲法體，平等眞如。宗，爲宗旨，因因果顯。用，爲功用，釋疑生信。教，爲教相（又曰教化）：化儀四，化法四。此宗智者大師，廣疏七卷爲二十卷。嘉祥宗，亦名三論宗。清涼宗，亦名華嚴宗。《懸談》計四十卷；《清涼疏鈔》爲十門懸談正鵠。本經判釋，等天台、清涼二宗之九、十耳。所謂教起因緣

，約分五類：一、應說法；二、本行心；三、衆生機；四、教根本；五、顯果德。

### 釋

《大涅槃經》謂：生生不可說，生不生不可說，不生不生不可說，不生不生不可說，以有因緣故可得說。在《大智度論》謂：依四悉檀因緣故，如來說法。梵語悉檀，古無定翻：或翻宗、成；或翻遍施；或翻爲墨、爲印、爲實；或翻成就究竟；或同唵陀南義翻爲集施，謂集正法義，施有緣衆也。今以意會之，即「說法之宗旨」耳。所謂四悉檀者，茲出其例如下：


### 紀

引《大涅槃經》生生不可說六句，意謂說不過一偏，不得法性之全體，以有對待，不符法體絕待故；能離言說相，便不入思量分別。法施之因緣，謂集合正法，布施有緣，佛出世故。

### 釋

一、普爲世界悉檀：隨俗常化義，適應一時、一地衆同分心理義，使陷溺習俗者咸得驚醒義，使聞見歡喜者發生信心義，爲說世界正因緣義。二、各爲人生悉檀：隨機異說義，引發各人各種不同類善根義，使隨其所處之地位各成進修義，使信解修行者增長福德義，爲說人生正因緣義。三、藥病對治悉檀：破惡義，遠離世間義，斷除煩惱義，止息分別義。四、顯第一義悉檀：入理義，契證法性義，成就菩提義，

圓滿寂靜義。



紀

一、普為世界悉檀中，適應一時、一地眾同分心理句：如三千大千、娑婆、中國、北京，及現在之北京，各有此眾同分心理也。二、各為人生悉檀中，又名眾生悉檀，引發各人各種不同類善根句：如教育之分級法。三、藥病對治悉檀中，破惡義